



fumebat Pelusiacas uestes admodum pretiosas, sexcentis siclis sanctuarii comparandas, uespero uero eas mutabat cum Indicis, id est, si Talmudicorum idioma explicueris, Aethiopicis, pretio nongentorum siclorum sanctuarii coemendis. <sup>c)</sup>

Alterum, quo praestantior erat omnibus sacerdotibus, illud fuisse constat, quod homo, qui ex improviso caedem commiserat, et asylum diuinitus constitutum petierat, eo egredi ante haud posset, quam Pontifex M. oleo sancto unctus, diem obiisset supremum. *Numer. XXXV, 25.*

Leges de matrimonio Pontificis singulares, exhibentur *Leuit. XXI, 13. 14.* Ob funus nullius hominis, ne illius quidem, quem proxima cognatione attingebat, nisi ob mortuum praecepti, siue occisum in agro inuentum, poluebatur. <sup>d)</sup> Praeterea in luctu ritus sequebatur a consuetudine uulgi diuersissimos, quos tractatus SANHEDRIN <sup>e)</sup> hoc ordine exposuit: **מת לו**

**מת אינו יוצא אחר המטה אלא הן נכסין והוא נגלה הן נגלין והוא נכסה ויוצא עמהן עד פתח העיר דכר רבי מאיר רבי יהודה אומר אינו יוצא מן המקדש שנאמר ומן המקדש לא יצא וכשהוא מנחה אחרים דרך כל העם עוברים זה אחר זה והממונה ממצעו בינו לבין העם וכשהוא מתנחם מאחרים כל העם אומרים לו אנו כפרתך והוא אומר להם תתברכו מן השמים וכשמכרין אותו כל העם מסובין על הארץ והוא מיסב על הספסל.**

*Si moritur illi quidam, non exire solet post feretrum (cum illis, scilicet uespilonibus, sed post illos) Quando illi se tegunt (dum feretrum tollunt) hic nudat caput suum) et intrat in locum ubi funus steterat.) Quoad illi nudati sunt capite (in atrio stant circa funus) ille se tegit (non intrat in atrium.) Exit cum illis usque ad portam urbis. Relatio est R. MELR. Dixit R. IEHVDA: non exire solebat e sanctuario, quod dicitur (Leuit. XXI, 12.) e san-*

*ctuario*

<sup>c)</sup> IOMA Cap. III. §. 7. <sup>d)</sup> Codex NASIR Cap. VII. §. 1. <sup>e)</sup> Cap. II. §. 1.